

## Ul pulee

Ul gall, beatu luu, el cantava  
e a primavera la storia la cumenciava:  
la pita la scrucava e deperlee la cuava,  
insema ai soeu, anca i oeuf del pulee.

Dopu vintün dì se incapiva ul güzz  
e i puresitt cunt un cicinìn d'ajütt  
vegneven foeura quasi tücc,  
un poo stracch, fiacch e masaraa,  
e 'l miracul de la vita l'eva sbuciaa.

Passaa 'n quej dì, in sü l'era umbrusa  
la pita urgugliusa e tütta premürusa  
la portava a spass i soeu dudes batüfulitt  
che becaven vermisoeu e sumenzitt.

In del mè pulee gh'è 'n gall negher  
semper vigil e anca 'n poo severe,  
pènn lüster e cua de bersaglieer  
e gainn australian grís, negher e bleu,  
puresitt giâld, magnanaa o cumè se peu.

E tütta la tribù la vîf in cuncordia e ünitaa  
perché, per lûr, che cünta l'è no 'l culûr  
ma dumè l'armunia, la pâs e l'amûr.

Angelo Galbusera – novembre 2021

*“Dove sono i pulcini ivi è l'occhio  
della chioccia”*

## Il pollaio

Il gallo, beato lui, cantava  
e a primavera la storia cominciava:  
la chioccia crocchiava e da sola covava,  
insieme alle sue, anche le uova del pollaio.

Dopo ventun giorni il guscio s'incrinava  
e i pulcini con un pochino d'aiuto  
nascevano pian pianino quasi tutti,  
un po'stanchi, fiacchi e bagnati,  
e il miracolo della vita era sbocciato.

Dopo qualche giorno, sull'aia ombrosa  
la chioccia orgogliosa e molto premurosa  
portava a passeggio i suoi dodici batuffolini  
che beccavano vermicelli e semini.

Nel mio pollaio c'è un gallo nero  
sempre vigile e anche un po' severo,  
penne lucide e coda da bersagliere  
e galline australiane grigie, nere e blu,  
pulcini gialli, chiazziati o anche di più.

E tutta la tribù vive in concordia e unità  
perché, per loro, ciò che conta non è il colore  
ma solo l'armonia, la pace e l'amore.

Angelo Galbusera – novembre 2021

*“Gli uomini costruiscono troppi muri  
e mai abbastanza ponti” (Isaac Newton)*

